



N°134
Entrée le 22.12.2023
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 27.12.2023
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 22/12/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Wunnengsbau weiderzeleeden.

De Fond du Logement ass en Établissement public autonome a gouf mam Gesetz vum 25te Februar 1979 an d'Liewe geruff. E steet ënnert der Tutelle vum Logementsminister an hëlleft Persounen, déi um fräie Marché Problemer hunn, d'Präisser fir Wunnraum ze bezuelen. Esou kann een iwwert de Fond de Logement Sozialwunnenge lounen, e Bail emphytéotique maachen oder och Wunnraum zu Präisser ënnert dem Marchéspräis kafen. Fir ze garantéieren, dass esou vill Leit wéi méiglech vun dëser Offer profitéiere kënnen, ass et wichteg, dass et méiglechst wéineg Leerstand beim Fond du Logement gëtt.

An deem Zesummenhang wéilt ech dem Minister dës Froe stellen:

1. Wéi laang dauert et an der Moyenne, bis fir e Locatiounsobjet, dee verlount gouf a wou de Locataire geplënnert oder verstuerwen ass, en neie Locataire fonnt gëtt an eraplënnert?

Wéi laang dauert et an der Moyenne, bis fir en neie Locatiounsobjet en éischte Locataire fonnt gëtt an era plënnert?

Wéi laang dauert et an der Moyenne, bis fir e Verkafsobjet e Keefer fonnt gëtt an era plënnert?

Wéi laang dauert et an der Moyenne, bis fir en Objet mat Bail emphytéotique e Client fonnt gëtt an eran plënnert?

2. Wéi vill Leerstand gouf et beim Fond du Logement um Datum vum 01.01.2023, dem 01.03.2023, dem 01.06.2023, dem 01.09.2023 an dem 01.12.2023?

Ëm wéi eng Aart vun Objet handelt et sech dobäi jee weils (Locatiounsobjet, Objet mat Bail emphytéotique, Verkafsobjet)?

3. Wat sinn d'Grënn fir en eventuelle Leerstand?

Mat déiwem Respekt,


Marc Goergen
Deputéierten



www.piraten.lu